

**Broj: 01-11-11-07190-2/2023**  
**Sarajevo, 10.1.2024. godine**

Na osnovu člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), nakon razmatranja preporuke Komisije za javne nabavke broj 01-11-11-07190-1/2023 od 8.1.2024. godine, Direktor Federalne uprave za inspekcijske poslove u ime ugovornog organa, donosi

## **O D L U K U**

### **o izboru najpovoljnijeg ponuđača i dodjeli ugovora za nabavku usluga opravke i servisiranja službenih vozila van garantnog roka**

#### **I**

Prihvata se preporuka Komisije za javne nabavke broj 01-11-11-07190-1/2023 od 8.1.2024. godine, te se ugovor o javnoj nabavci usluga opravke i servisiranja službenih vozila Federalne uprave za inspekcijske poslove van garantnog roka po provedenom postupku konkurentskog zahtjeva za dostavljanje ponuda, dodjeljuje ponuđaču „GUMA M“ d.o.o. Mostar, čija ponuda broj 103-01/24SE od 3.1.2024. godine je ocijenjena ekonomski najpovoljnijom.

#### **II**

Ugovor sa ponuđačem GUMA M“ d.o.o. Mostar, zaključit će se pod slijedećim uslovima:

- ukupna cijena 26.862,53 KM bez uračunatog PDV-a, odnosno 31.429,16 KM sa uračunatim PDV-om;
- isporuka usluga će se vršiti sukcesivno u skladu sa potrebama Ugovornog organa;
- ugovor će se zaključiti na period od 1 godine od dana zaključivanja istog, odnosno do maksimalno ugovorenog iznosa;
- rok plaćanja je 30 dana od dana prijema mjesečne fakture na protokol Ugovornog organa.

#### **III**

Izabrani ponuđač iz člana I odluke je dužan u roku od 5 (pet) dana od dana prijema odluke dostaviti ugovornom organu dokaze kojim potvrđuje svoju ličnu sposobnost u skladu sa članom 45. Zakona o javnim nabavkama Bosne i Hercegovine, i to:

- izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupcije, prevare ili pranja novca, u skladu sa važećim propisima u Bosni i Hercegovini;
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini;
- potvrde nadležne poreske uprave ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležnih institucija o uredno izmirenim obavezama po osnovu direktnih i indirektnih poreza.

Dokazi iz prethodnog stava ovog člana se dostavljaju kao original ili ovjerena kopija, s tim da datum izdavanja originala ne može biti stariji od 3 mjeseca prije dana dostavljanja ponude. Pod danom dostavljanja ponude smatra se dan koji je ugovorni organ odredio u Tenderskoj dokumentaciji kao krajnji rok za dostavljanje ponude.

Ukoliko ponuđač „GUMA M“ d.o.o. Mostar ne dostavi naprijed tražene dokaze u ostavljenom roku i u zahtjevanoj formi, isti će biti isključen iz daljeg učešća u postupku javne nabavke zbog neispunjavanja uslova za kvalifikaciju.

#### IV

Ova odluka će se objaviti na web stranici Federalne uprave za inspekcijske poslove.

### Obrazloženje

Dana 18.12.2023. godine na portalu javnih nabavki BiH je objavljeno obavještenje o nabavci usluga opravke i servisiranja službenih vozila Federalne uprave za inspekcijske poslove (u daljem tekstu: Uprava) van garantnog roka, broj obavještenja 1292-7-2-32-3-27/223, a obavještenje o nabavci je objavljeno i u Službenom glasniku BiH broj 86/23 od 22.12.2023. godine.

Predmetna nabavka je predviđena Planom nabavki Uprave za 2023. godinu, usluge redni broj 4., a procijenjena vrijednost nabavke je 27.500,00 KM (bez PDV-a). Kriterij za dodjelu ugovora je ekonomski najpovoljnija ponuda shodno utvrđenim podkriterijima, i to: cijena 80% ili 80 bodova i udaljenost servisa ponuđača od sjedišta Uprave 20% ili 20 bodova.

Javno otvaranje blagovremeno pristiglih ponuda je izvršeno dana 4.1.2024. godine sa početkom u 12,15 sati, te je u zapisniku sa otvaranja ponuda konstatovano da su ponude dostavili slijedeći ponuđači sa pročitanim ukupno ponuđenim cijenama ponuda, kao i udaljenostima servisa ponuđača od sjedišta Uprave:

Broj koverte	Naziv/ime ponuđača	Ukupna cijena ponude (bez PDV-a) (podkriterijum 1.)	Udaljenost do servisa ponuđača (podkriterijum 2.)
1.	„Guma M“ d.o.o. Mostar	26.862,53 KM	7,2 km
2.	„Conecta“ d.o.o. Sarajevo	27.328,19 KM	13 km

Komisija za javne nabavke Uprave je utvrdila da nije bilo neblagovremenih ponuda, javnom otvaranju ponuda nije prisustvovao predstavnik niti jednog od ponuđača koji su dostavili ponude, a zapisnik sa otvaranja ponuda je odmah putem pošte otpremljen na adrese ponuđača koji su dostavili ponude.

Komisija za javne nabavke je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera obrazaca i drugih dokumenata. Pregledom i analizom dokumentacije koju su dostavili ponuđači, a dovodeći istu u vezu sa zahtjevima iz tenderske dokumentacije Komisija je utvrdila da su ponuđači dostavili dokumentaciju koja je zahtjevana u postupku javne nabavke, te da ne postoje razlozi za odbacivanje bilo koje od zaprimljenih ponuda po ovom osnovu.

U daljem toku postupka je shodno odredbi člana 17. stav (1) Uputstva za pripremu modela tenderske dokumentacije i ponuda („Službeni glasnik BiH“, broj 90/14) izvršena provjera računске ispravnosti dostavljenih ponuda, te je tom prilikom konstatovano da su oba ponuđača pravilno izvršila računanje cijena, te da u tom smislu ne postoje nedostaci koji bi podrazumjevali postavljanje zahtjeva za korekciju cijena datih u ponudama.

Tenderskom dokumentacijom je utvrđena formula po kojoj će se vršiti bodovanje ponuda, kako slijedi:

#### 1. CIJENA

Maksimalan broj od 80 bodova će se dodijeliti ponuđaču koji je dostavio najnižu cijenu. Ostali ponuđači će shodno tome dobiti manji broj bodova prema sljedećoj formuli:

$$P = \frac{P_t}{P_h} \times 80,$$

pri čemu je: „P“ – broj bodova koju je ponuđač dobio za ponuđenu cijenu, „P<sub>t</sub>“ – najniža cijena koja je ponuđena u postupku nabavke, „P<sub>h</sub>“ – cijena koja je predložena u ponudi koja je predmet ocjene, „(80)“ – maksimalan broj bodova koji je dodijeljen ponuđaču koji je ponudio najnižu cijenu.

## 2. UDALJENOST SERVISIA PONUĐAČA OD SJEDIŠTA UPRAVE

Maksimalan broj od 20 bodova će se dodijeliti ponuđaču sa najkraćom udaljenosti njegovog servisa od sjedišta Uprave, iskazanu u kilometrima, a ostali ponuđači će shodno tome dobiti manji broj bodova prema sljedećoj formuli:

$$S = \frac{St}{Sh} \times 20,$$

pri čemu je: „S“ – broj bodova koju je ponuđač dobio za udaljenost servisa ponuđača od sjedišta Uprave, „St“ – najmanja udaljenost koja je ponuđena u postupku nabavke, „Sh“ – udaljenost koja je navedena u ponudi koja je predmet ocjene, „(20)“ – maksimalan broj bodova koji je dodijeljen ponuđaču koji ima najmanju udaljenost njegovog servisa od sjedišta Uprave iskazanu u kilometrima.

## 3. UKUPAN BROJ BODOVA

Ukupan broj bodova se utvrđuje na osnovu formule  $T = P + S$ , pri čemu je: „T“ – ukupan broj bodova, „P“ - broj bodova koji je ponuđaču dodijeljen za ponuđenu cijenu, „S“ - broj bodova koji je ponuđaču dodijeljen za udaljenost servisa ponuđača od sjedišta Uprave iskazanu u kilometrima.

U skladu sa članom 65. stav (2) tačka d) Zakona o javnim nabavkama Bosne i Hercegovine, kao i naprijed opisanom formulom bodovanja ponuda utvrđenoj tenderskom dokumentacijom, Komisija je provela postupak dodjele bodova po pokriterijima za ocjenu ponuda, shodno metodologiji utvrđenoj u tenderskoj dokumentaciji, a kako slijedi:

RB	PONUĐAČ	Najniža ponuđena cijena bez PDV-a	Cijena koja je predložena u ponudi bez PDV-a	BODOVI ZA CIJENU	Najmanja udaljenost koja je ponuđena u postupku nabavke u km	Udaljenost koja je predložena u ponudi u km	BODOVI ZA UDALJENOST OD SERVISIA PONUĐAČA	UKUPNO BODOVI
		Pt	Ph	$P = \left( \frac{Pt}{Ph} \right) \times 80$	St	Sh	$S = \left( \frac{St}{Sh} \right) \times 20$	
1	"GUMA M" d.o.o. Mostar	26.862,53	26.862,53	80,00	7,20	7,20	20,00	100,00
2.	"CONNECTA" d.o.o. Sarajevo	26.862,53	27.328,19	78,64	7,20	13,00	11,08	89,71

Slijedom bodovanja ponuda prikazanog u gornjoj tabeli, utvrđena je konačna rang lista ocijenjenih ponuda:

Rang	Ponuđač	Podkriterij „cijena“/učešće 80%		Podkriterij „udaljenost servisa“/učešće 20%		Ukupan broj bodova
		Ukupna cijena sa popustom	Broj bodova	Udaljenost servisa u km	Broj bodova	
1.	„GUMA M“ d.o.o. Mostar	26.862,53	80	7,2	20	100
2.	„CONNECTA“ d.o.o. Sarajevo	27.328,19	78,64	13	11,08	89,71

Imajući u vidu sve naprijed navedeno, Komisija je konstatovala da je u skladu sa kriterijem „ekonomski najpovoljnija ponuda“, najpovoljniju ponudu dostavio ponuđač „GUMA M“ d.o.o. Mostar, te je Direktor Federalne uprave za inspekcijske poslove dala preporuku broj 01-11-11-07190-1/2023 od 8.1.2024. godine da u ime ugovornog organa donese odluku kojom će ugovor dodijeliti navedenom ponuđaču.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste koji bi eventualno predstavljali osnov za neprihvatanje preporuke Komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 5 (pet) dana od dana prijema iste.



*af*  
Dostaviti: 0 -01- 2024

1. "Connecta" d.o.o. Sarajevo, Džemala Bijedića 172b, Sarajevo
2. „GUMA M“ d.o.o. Mostar, Bišće polje bb, 88100 Mostar
3. Sektor za materijalno-finansijske poslove
4. Sektor za tehničku podršku i plansko-analitičke poslove
5. Komsija za javne nabavke (a/a).

*mi*  
11 -01- 2024